





განსაკუთრებით აღსანიშნავია საქმეების წარმართვის დისციპლინა და დროის მენეჯმენტი, რომელიც მუდმივად მოწესრიგებულია. მჯეროდა და ახლაც მწამს, რომ სასამართლო აპარატის მუშაობის სტილი სრულად არის დამოკიდებული იმაზე, თუ ვინ მართავს მას. პატივცემული მოსამართლის მანერები და სტილი მხარეების მხრიდან ყოველთვის იმსახურებს პატივისცემას. მისგან ბევრი რამის სწავლა შეიძლება არა მხოლოდ სამართლებრივად, არამედ პიროვნულადაც.

მაღალი ემოციური ინტელექტი თვალნათლივ ვლინდება მის ემპათიასა და მხარეებს შორის მოლაპარაკების წარმართვის საოცარ უნარში. ხაზგასასმელია სამართლიანობის უმაღლესი სტანდარტი და სიმშვიდე ნებისმიერ სიტუაციაში.

მოგეხსენებათ, სასამართლო პროცესი მხარეებისთვის გარკვეულ მდელვარებასთან ასოცირდება, სადაც თითოეული მხარისთვის გამარჯვება და მიზნის მიღწევა უმნიშვნელოვანესია. ამ დროს ყველაზე ძვირფასია განცდა, რომ ბოლომდე მოგეცა შესაძლებლობა, დღეებისა და საათების განმავლობაში მომზადებული თითოეული დეტალი პირნათლად მიგეტანა სასამართლომდე. პატივცემულ მოსამართლე რომან კუპატაძესთან პროცესზე ეს ყოველთვის შესაძლებელია.

ყოველთვის თვალნათელია მხარეებისადმი მისი ღირსეული და კეთილსინდისიერი მრპყრობა. მზს მიერ საქმის განხილვისას, მაშინაც კი, როდესაც სხვაგვარ გადწვევებლბას ისურვებდი, აცნობიერებ, რომ მიღებული შედეგი ობიექტური და სამართლიანაა.

მოხარული ვარ, რომ [redacted] ჰქონდა შესაძლებლობა, მიეღო ასეთი მაღალი სტანდარტის პროცესუალური და პიროვნული გამოცდილება.

პატივცემულ მოსამართლე რომან კუპატაძეს ვუსურვებ წარმატებულ მოღვაწეობას და იმეოს გამოვთქვამ, რომ კიდევ არაერთხელ მოგვეცემა საშუალება, მისგან მიღებული გაკვეთილები მომავალ საქმიანობაში გამოვიყენოთ.

დიდ პატივსცემას გამოვხატავ რუსთავის საქალაქო სასამართლოსა და თითოეული თანამშრომლის მიმართ. გისურვებთ წარმატებებს.

უდიდესი პატივისცემით,

[redacted signature line]

[redacted signature line]

[redacted signature block]

[redacted signature block]

/04/2026